



Ilmo Concello de
CAMBADOS
(Pontevedra)

INFORME DE INTERVENCIÓN

ASUNTO.- Informe sobre o Período Medio de Pago relativo ó 4 trimestre do 2015.

I. LEXISLACIÓN APLICABLE.-

- *Lei 7/85 do 2 de Abril, Reguladora das Bases do Réxime Local.*
- *Real Decreto Lexislativo 2/2004 de 5 de marzo, polo que se aproba o Texto Refundido da Lei Reguladora das Facendas Locais (en adiante TRLRFL)*
- *Real-Decreto 500/90 do 20 de Abril.*
- *Lei Orgánica 2/2012, de 27 de abril, de Estabilidade Orzamentaria e Sosteñibilidade financeira (en adiante LOEOSF).*
- *Lei Orgánica 9/2013, de 20 de decembro, de control da débeda comercial no Sector Público.*
- *Lei 27/2013, de 27 de decembro, de racionalización e sostibilidade da Administración Local.*
- *Real Decreto 1463/2007, de 2 de novembro, polo que se aproba o regulamento de desenrolo da Lei 18/2001, de 12 de decembro, de Estabilidade Orzamentaria, na súa aplicación ás entidades locais, no que non se opoña a LOEOSF.*
- *Orden Ministerial HAP/2015/2012, de 1 de outubro, pola que se desenvolven as obrigas de subministro de información previstas na LOEOSF.*
- *Manual de cálculo del Déficit en Contabilidade Nacional adaptado ás Corporacións Locais, publicado pola IGAE.*

II. CONSIDERACIÓNS XURÍDICAS.-

Segundo se desprende da contabilidade municipal, o PMP do 4º trimestre do exercicio 2015 sitúase en 45,68 días:


Año	Tipo	Periodo	Periodo	P.M:Pago	R.O:Pagadas	R.O:Pendientes	Total:Pagos	Total:Pendientes
2015	Trimestral	04		45,68540192	54,28966522	34,93173981	1.465.744,51	1.172.777,58


Incúmprese polo tanto, e por segundo trimestre consecutivo, o máximo establecido legalmente (30 días).

Os motivos principais de dito incumprimento o constitúe os numerosos gastos realizados sen consignación orzamentaria que deberán ser aprobados extraxudicialmente e que se reflicten na conta 413.

A 31/12/2015 e segundo se desprende do avance da Liquidación do exercicio 2015, dita conta presenta un saldo de **373.481,92 €**. No 2014 dito saldo era de 136.059,41 € e no 2013 de 185.338,84 €.

O feito de que existan facturas respecto das cales non se tramitou o correspondente recoñecemento da obriga (por inexistencia de crédito orzamentario), xa foi informado por







Ilmo Concello de
CAMBADOS
(Pontevedra)

esta Intervención nos diferentes informes de reparo emitidos ó respecto, o cal implica que se produza tamén un incumprimento do disposto no artigo 216 do Real Decreto Lexislativo 3/2011, de 14 de novembro polo que se aproba o texto refundido da Lei de Contratos do Sector Público no que se dispón que:

(...) 4. *“A Administración terá a obriga de aboar o prezo dentro dos trinta días seguintes á data de aprobación das certificacións de obra ou dos documentos que acrediten a conformidade co disposto no contrato dos bens entregados ou servizos prestados, sen prexuízo do establecido no artigo 222.4. e si se demorase, deberá aboar ó contratista, a partires do cumprimento de dito prazo de trinta días os intereses de demora e a indemnización polos custes de cobro nos termos previstos na Lei 3/2004, de 29 de decembro, polo que se establecen medidas de loita contra a morosidade nas operacións comerciais. Para que teña lugar o inicio do cómputo de prazo para o devengo de intereses, o contratista deberá de ter cumprido a obriga de presentar a factura ante o rexistro administrativo correspondente, en tempo e forma, no prazo de trinta días dende a data de entrega efectiva das mercadorías ou a prestación do servizo.*

Sen prexuízo do establecido nos artigos 222.4 e 235.1, a Administración deberá aprobar as certificacións de obra ou os documentos que acrediten a conformidade co disposto no contrato dos bens entregados ou servizos prestados dentro dos trinta días seguintes á entrega efectiva dos bens ou prestación do servizo, salvo acordo expreso en contrario establecido no contrato e nalgún dos documentos que rexan a licitación (.....).

No artigo 7.2 da Lei 3/2004 dispónse que: *“O tipo legal de interese de demora que o debedor estará obrigado a pagar será a suma do tipo de interese aplicado polo Banco Central Europeo a súa mais recente operación principal de financiamento efectuada antes do primeiro día do semestre natural de que se trate, mais oito puntos porcentuais”.*


Polo tanto, a Lei marca un prazo de pagamento de 30 días dende a data de recoñecemento da obriga, que, a súa vez, deberá terse producido nun prazo máximo de 30 días dende a recepción da factura ou solicitude de pago equivalente.


Tendo en conta as repercusións económico-orzamentarias derivadas da realización de gastos non contabilizados, reitérase a urxente necesidade (legal, orzamentaria, contable, financeira, patrimonial, de tesourería...) de rematar coa realización de calquera tipo de gastos que (con independencia da súa contía), carezan de crédito orzamentario adecuado, dispoñible en contía suficiente; rematando coa práctica de acudir a un procedemento (recoñecemento extraxudicial) que, segundo o Tribunal de Contas e o Consello de Contas, é totalmente excepcional, extraordinario, puntual e para algún gasto de escasa contía.

III. CONSECUENCIAS DO INCUMPRIMENTO DO PMP.-

Resulta de aplicación o prescrito no artigo 13.6 da Le Orgánica 2/2012, de Estabilidade Orzamentaria e Sostibilidade Financeira, segundo o cal:-

“As Administracións Públicas deberán publicar o seu período medio de pago a provedores e dispoñer dun plan de tesourería que engadirá, a lo menos, información relativa á previsión de pago a provedores de forma que se garanta o cumprimento do prazo máximo que fixa a







Ilmo Concello de
CAMBADOS
(Pontevedra)

normativa sobre morosidade. As Administracións Públicas velarán pola adecuación de seu ritmo de asunción de compromisos de gasto á execución do plan de Tesourería.

Cando o período medio de pago dunha Administración Pública, de acordo cos datos publicados, supere o prazo máximo previsto na normativa sobre morosidade, a Administración deberá engadir, na actualización do seu plan de tesourería inmediatamente posterior á mencionada publicación, como parte de dito plan, o seguinte:

- a) O importe dos recursos que vai a dedicar mensualmente ó pagó a provedores para poder reducir o seu período medio de pago ata o prazo máximo que fixa a normativa sobre morosidade.*
- b) O compromiso de adoptar as medidas cuantificadas de redución de gastos, incremento de ingresos ou outras medias de xestión de cobros e pagos, que lle permita xerar a tesourería necesaria para a redución do seu período medio de pago a provedores ata o prazo máximo que fixa a normativa sobre morosidade”.*

Ademais, debe terse en conta que segundo o establecido no artigo 8.4 do Real Decreto 635/2014, de 25 de xullo, polo que se desenvolve a metodoloxía de cálculo do período medio de pago a provedores das Administracións Públicas e as condicións e o procedemento de retención de recursos dos reximenes de financiamento, previstos na Lei Orgánica 2/2012, de 27 de abril, de Estabilidade Orzamentaria e Sostibilidade Financeira: “Cando o Ministerio de Facenda e Administracións Públicas detecte que se ten producido un incumprimento do prazo máximo de pago a provedores nos termos establecidos no artigo 18.5 da Lei Orgánica 2/2012, de 27 de abril, o comunicará á Corporación Local, previa comunicación á Comunidade Autónoma no caso de que esta exerza a tutela financeira de dita Corporación, e lle poderá solicitar a información necesaria, debidamente certificada polo Interventor da Corporación Local, para cuantificar e determinar a débeda comercial e a parte dela que se vai a pagar con cargo ó seus recursos propios, cancelándose a diferenza mediante retencións da participación en tributos do Estado”.

En Cambados, a 29 de xaneiro de 2016

A Interventora:

M^a Carmen Vidal Pérez.

